

Sondjez-î !

Dj' ans asteure les pus hyôtes mâjons, les pus hyôtes tours, les pus lādjes ôtoroutes, mês nosse tolérance est à (au) pu bas et nos idéyes bin trop strètes.

Dj' a lowans (dépensons) d' pus a pus, mê avu mwinsse du plêji.

Dj' ans des pu grandes mâjons, mês des pu ptites famiyes (familles).

Dj' ans d' pus a pus a adjinsner (combiner, organiser), mês mwinsse du timps pou l' fwêre.

Dj' a savans brâmint d' pus, mês dj' ans mwinsse du jujmant.

Dj' ans dupus du rmédes, mê mwinsse du santé.

Dj' ans d' pus a pus yôk, pou ç' k' est matériel, mê nôs valeurs nu fjat k' duschinde.

Dju câzans bramint ; dj' inmans jusse cè k' i fât et dju mèprûjans brâmint d' trop.

Dj' ans sté s' la lune et-z a ruvnu, mês c' est co d' trop d' passer la vête pou rascontrer l' vèjin.

Dju nous rindans mwêsses du l'èspace célesse, mès dju n' mwêstriyans nin nost' espace d'â ddins (intérieur).

Dju gangnans d' pus a pus, mê nosse moral a-n è pris in côp.

Dj' ans d' pus d' libèrtés, mê mwinsse du pàjûrté (sérénité) et dju les vikans mâ.

Dj' ans d' pus a mwindjî, mès dju nous noûrichans d' pus a pus mâ.

Dju vikans ène époque k' i fât gangnî a deus, mès aru d' pus a pus d' divorces.

Dj' ans les pu bèles mâjons, mès aru d' pus a pus d' mènadjes dusbrôlés.

C'est poucrè k' i fârot k' a pârtu d' anute,

On n' wâde (garde) pu rin pou ène .. ocâsion à pârt, ca tous les djoûs k' on vike sont des ocâsions a pârt.

Rukèrans la counichance, lijans d' pus, wêtans pal vite et admirans cè k' est bê a vèy, sin sondjî a nôs bèzwins.

Passans d' pus d' timp aru les nôs et aru nôs soçons, savourans l' bon mwindjî, alans vèy cè k' est bê.

Fujans du nosse vie in tchaplèt d' bons momints.

Êdans-nous des bêes rêres rôstés dins l' armêre al tchambe, nu wêtans nin a in poy du parfum, profitans dul nature coume du tous ses trésôrs.

Nu djans nin : « Yink du ces djoûs » û bin « In djoû ».

Sucrûjans anute la lête k' on-z avot sondjî scûre . . . in djoû.

Dijans às nôs et a nôs soçons, coubin dj' les wèyans slatî. (les aimons)

Nu passans nin a costé des bons moumintes du nost' egzistance.

Tchèke djoû, tchèke eûre, tchèke minute est vrêmint in moumint unike.

Et dju n' savans nin si ça n' orè nin nosse dêrin.

Si z-astèz trop hapés pou trouver l' timps d' voyî çu mèsadje-ci a kékin ku v' wèyèz slatî (et poucwè nin a èn ôte) et k' vous v' djèz : « Dju l' va voyî yink du ces djoûs », tûzèz in pô ku « yink du ces djoûs », vous n' srez putète pu la pou l' voyî.

Ça m' fwêt wondjî ou Gaston Lucy, ki djot toudis : « Il est vite trop târd » . . .

Unu pa in bon vant ou l' Nêl et imêtu a walon d' Bive pa Louwis Baijot, lu prêmî d' nôvrambe 2001. Et an 2010, dju dis : « Nu vèz' a ffèz pont, gn'è rin ki va mâ !